

竹齋集詩

卷上

頤園書庫
ZHUJI LIBRARY

全卷注

耕讀外別無良謀

勤儉中自有至樂

01055

竹齋集詩

卷上

諸暨圖書館藏書
ZHUJI
RA



王元章先生著

竹齋詩集

安雅堂藏板

竹齋詩集原序

予在杭時聞會稽王元章善爲詩士大夫之工詩者多稱道之恨不能識也至正甲午盜起甌括間予避地之會稽始得盡觀元章所爲詩蓋直而不絞質而不俚豪而不誕奇而不怪博而不濫有忠君愛國之情去惡拔邪之志懇懇惻惻見於詞意之表非徒作也因大敬焉或語予曰詩貴自適而好爲論刺無乃不可乎予應之曰詩何爲而作邪虞書曰詩言志子夏曰詩者志之所之也上以風化下下以風刺上主文而譎諫言之者無罪聞之者足以戒詩果何爲而作邪周天子五年一

巡守命太師陳詩以觀國風使爲詩者俱爲清虛淨靡
以吟鶯花詠月露而無關於世事王者當何所取以觀
之哉曰聖人惡居下而訕上者今王子在下位而挾其
詩以弄是非之權不幾於訕乎曰吁是何言哉詩三百
篇唯頌爲宗廟樂章故有美而無刺二雅爲公卿大夫
之言而國風多出於草茅閭巷賤夫怨夫之口咸采錄
而不遺也變風變雅大抵多於論刺至有直指其事斥
其人而明言之者節南山十月之交之類是也使其有
訕上之嫌仲尼不當存之以爲訓後世之論去取乃不
以聖人爲軌範而自私以爲好惡難可與言詩矣曰書

曰惟口起羞。昔蘧公以謗詩。速獄播海外。不可以不
戒也。曰孔子曰。邦有道。危言危行。邦無道。危行言遜。故
堯有諛謗之木。而秦有偶語之僇。亂世之諛。治世之所
興也。得言而不言。是土瓦木石之徒也。王子生聖明之
時。而敢違孔子之訓。而自比於土瓦木石也。邪。括蒼劉
基撰。

諸暨圖書館
ZHUJI LIBRARY

竹齋集序

嘗讀詩至元之季世得二人焉一曰席帽山人王逢一曰煮石山農王冕是二人者其姓氏同其遭時不偶迹山野卒至播遷淪落以死亦無不同至其爲詩則又各抒性靈感時紀事以陶寫其磊落之氣而不爲元時習尚所囿皆豪傑之士也今嘗客澄江過逢山故里訪其遺詩得梧溪集而誦之及歸而著竹齋集不可得後聞越中駱氏家有藏之亦不見寄竊嘆古人著作或抑傳或傳矣而未廣必更閱百人

今駱氏既有藏本其精神意氣之所注鬱積而不可遏則必有好古之士爲之抉幽剔隱出其書而傳播之譬之金玉沉埋土中雖千百年而必發又安見竹齋一集之終於淪沒乎諸暨王君柱公好古者也因購書備居於杭一日過余抱山堂手一編請曰此予家遠祖竹齋集也訪求數載今得駱氏本於包氏知不足齋然中多魯魚亥豕之訛幸爲我勘校編次之且乞一言知其首將仲之梓人以傳世焉余欣然應命曰此吾二十年前所徧覓而不可得者不謂今始得之且得之於元章之後裔噫奇矣以此見古今人雖不相及而諒矣

之傳。每曠世相感。元章之歿。去今四五百年矣。其詩篇
散佚。初賴駱氏之收輯。後得顧俠君之選存。此皆相感
於不自知者。况居其里。同其族。如王君者乎。宜其惓惓
於心。而必思表見於世也。余嘉王君好古不沒其先世
之遺文。而并望其覓梧溪集而刊之。今為元季王氏兩
布衣詩。是則余之願也。夫嘉慶三年歲次戊午十月朔
日。錢塘朱彭書於鐵崖之抱山堂。



諸暨圖書館
ZHUJI LIBRARY

竹齋詩集總目

卷一

五古七十九首

卷二

七古一百十三首

卷三

五律二百三十七首

五言長律一首

卷四

七律一百八十二首

諸
ZHUJI LIBRARY

五言絕十六首

六言絕三首

七言絕八十一首

附文

梅先生傳一首

竹齋詩集總目畢

諸君圖書
ZHUJI LIBRARY

竹齋詩集卷之一

諸暨王冕元章著

五言古詩

感懷

松柏引藤蘿反被藤蘿纏刻草養禾苗
禾苗不如草物情有更變
世事何足道君子小人交豈能長永好
遊雲本無定潦水空浩渺消涸固有時
疇能見機早春風泛紅綠造化太奇巧
昨朝楊柳花今日浮萍草學佛不成佛
求仙豈能仙人生因有貪所以不自然
秦皇既已矣梁武亦可憐何如飯牛翁
萬事付忘言

四月廿五日堂前萱花試開時老母康健因喜之
今朝風日好堂前萱草花持杯爲母壽所喜無喧譁東
隣已藤蔓西隣但桑麻側聞義士招我輩鬢已華世事
既如此不樂將奈何

偶書

涼水

今晨好風雨濕雲四邊馳落花爛作土涼水積成池疲
民在塗炭朝暮啼苦飢况兼時氣乖好肉生瘡痍方憂
舊田穢無奈新城歆世情甚促迫天意將焉爲我生合
忘言感慨徒傷悲

梅花易洞爲胡伏臣賦

風

梅花擁林屋蕭灑極靜深清風散餘香皓月澄虛陰中
有學古人坐窺天地心神機一感動妙花不可尋持誠
問先民羲皇有遺音

蠶作繭

變化名取

老蠶欲作繭吐絲淨娟娟周密已變化去取隨人便有
為機中練有為琴上絃絃以和音律練以事寒暄其功
不為小其用豈為偏作詩寄蠶姑辛苦非徒然

竹梅幽禽

梅花出脩竹照影清溪深微風散寒香上有幽棲禽扁
舟載我來春色不用尋驅童貰村酒老瓦隨意斟興酣

岸烏巾大笑喚老林
明月在青天
霜氣襲衣襟
歸來草堂靜
獨坐彈鳴琴

畱題悠然閣

高閣潭空影開
窻徹虛明
依依楊柳陰
微涼入牀
清原田遠
風交平林
素煙橫
喜無車馬來
而聽禽鳥聲
境物隨所適
於心淡無營
悠然會真趣
得酒自傾
客至竟忘言
坐對南山青

山中

雨過百溜鳴
雲消衆山出
鳥啼松逕深
來徃無車轍
幽居少人事
足以養吾拙
讀書故無用
徒然較優劣
辟世

豈云迂自與桃源別

南風熱

炎風來何狂似欲吹山倒狼藉樹底雲散漫屋上草赤
日熾大爐泥沙熱如炒東臯與西隴禾苗盡枯槁疲民
曰苦飢性命未可保誰推至誠心懇致
身林禱願得甘
雨沛洗我煩熱惱

遣興

鑿井思所汲種田期有秋人生豈無志每爲飲食謀紛
紛路傍兒儻蕩思公侯風雲一轉拆事業不可籌何如
澗底泉清清長自流

竹齋言集卷一
種禾莫存莠種樹莫引蘿引蘿苗其樹存莠傷其禾營
營百年內變滅成幾何結交苟不擇中道生怨窩可信
一寸水能起萬丈波

感懷十首

首首

太極本一氣胡爲兩儀分生生立名字萬彙遂紘紘洪
荒不足徵至精亦已淪務藉茂佳景葦葦葦芬葦葦葦
漫渚澤蒙籠昌蘭蓀泚泚白日晚颯颯秋霜繁華滋竟
蕭條芳情欲何言

蒙莊曠達士魯連倜儻生不徼一時利乃有千載名睢
澤務詭譎儀秦尚縱橫反覆弄小技於道未爲真聖賢

久不作。餘生復何營。賴有白鷗鳥。可與忘世情。
寫字不適俗。讀書難療飢。蘧蘧塵網中。遑遑欲何之。仁
風藹原隰。草樹發幽姿。羣動正翕集。遊雲未來歸。懷哉
鶴上人。徘徊感良時。無以慰蹇劣。尊酒聊自怡。
傍溪種篁竹。十年望成林。不圖列貨殖。願布九夏陰。變
化期未至。枝葉漸蕭森。忽值桑田移。根苗竟沉沉。炙筠
無事書。斷節少賞音。東里已寂寞。空持歲寒心。
櫛衣山中人。短髮被襟領。寸心雄萬夫。片語重九鼎。不
作好顏色。遂與世俗迥。始旦旭日明。默默有深省。上愧
飯牛戚。下懷捫虱猛。忤慷復忤慷。照鏡可憐影。

竹齋詩集卷一
四
高樓古月明，孤坐感良夜。云胡遠行客，不悟歲年邁。風
暖百草芳，露冷衆木瘵。天地豈無情，物色有榮謝。人生
匪金石，焉得不朽壞。寄語茹芝翁，細故奚介蒂。

浮生失故業，窮歲無寧屆。朝行汧隴間，莫止滄海隅。淒
其風雨交，飢寒因泥塗。寥寥太古懷，目擊誰與俱。齊君
不好瑟，嬴氏不愛儒。舉世媚同塵，出類爲疏迂。何如歸
去來，且作耕田夫。

紫霞結重蓋，五城十二樓。中有青眉仙，翠織鱗花裘。天
漿飯玉屑，恣樂無停休。自謂能長生，可與造化遊。悲風
一何來，吹動人間秋。瓊窻激寒響，深閨起離愁。欲飛肘

無羽延頸望元洲元洲不可到始悔違前脩

志士惜白日愁多感夜長夜長固無奈况復重淒涼昔
我同心友漂流在他鄉他鄉各異俗所習諒非常道路
阻且遠無由吐中腸俯聞流水聲仰歎明月光振衣風
泠泠矯首天茫茫

芳草擁幽翠嘉樹鬱層陰山光到窻戶禽鳥和好音閱
茲清景逾古懷獨沈吟沈吟奚以爲攄情委鳴琴

秋懷十二首

悲風度古木吹我屋上茅茅去屋見底風聲尚蕭蕭人
心一何苦人情一何驕却將眼下淚散作炎上膏

明月下西窗。窺我席東枕。枕中夢忽破。俄然轉淒涼。美人天一方。相見猶拾瀋。何時引金壘。開懷笑歌飲。衆星晨離離。孤月夜皓皓。白露成野霜。泐我窻下草。人無千歲期。焉得不速老。終當隨物化。榮名亦何好。灑灑柏間露。濕我征裳衣。裳衣濕何苦。故人中道違。逝水東北流。杳杳無回期。惟有天上月。倏忽照相思。泐泐涼風起。唧唧寒蛩鳴。草木鬱氛祲。兩曜銜暉明。河源失故道。岱宗眇餘青。憑虛發浩歎。遊子萬里情。驅車上南園。依約金張里。舊日三重階。風雨埋荆杞。青山故無恙。流水猶未已。幽幽樹底禽。哀歌爲誰起。

朝行太行路。夕渡巫峽水。所至或相觸。舟車竟摧毀。人
生各異面。方寸千萬里。片語苟不符。其險過於此。
野蔓罔叢棘。下有幽蘭花。緘春斂華滋。古意良獨多。霜
寒九十月。蕭颯如枯莎。但使本根在。菅茅將奈何。
青松生崇岡。土淺松根頽。顧茲歲寒質。豈匪梁棟材。無
奈牛羊牧。鄙賤蒿與萊。惟有溪上風。清聲寄餘哀。
東離有佳菊。不比春蘭芳。鱗霜毒萬卉。敷榮自彌彰。云
胡靖節後。古意俱茫茫。但見三逕草。寂寞淒餘香。
庭前碧梧樹。上有幽棲禽。養成五彩雛。鳴運黃鐘音。擬
之簫韶間。叶彼聖賢心。夫何失其所。委置荆杞林。

酌彼澗下水彈此石上琴希聲應絃起幽孤鳳吟曲
中萬里意三歎無知音豈但無知音終恐無知心

寓意十首次敬助韻

元龍湖海豪忘懷但高眠淵明辟世士素琴不張絃古
意各有適薄俗空媿妍所以武陵翁種桃竟忘年

白露下亭臯綠葉颯已槁弱質不自貴却怨秋風早噉
噉征雁鳴遊子在遠道何如鹿皮翁忘年對芳草

森森廊廟具蕭艾成長松蠢蠢川澤靈蛭蚘爲遊龍時
明在除袂世混姑相容忠義在草莽讒諂分提封擾擾
路傍兒仰面慚征鴻

荆軻上秦殿。酈生下齊城。斯須屬鼎鑕。何如衛叔卿。脫
身傲萬乘。秦華鴻毛輕。所謂達道人。貴在機決明。
青松歲寒物。詎比蒲柳林。冰霜雖剝蝕。疎花應晚開。良
工豈不偶。中心類寒灰。却憐靡蕪草。徧滿黃金臺。

聖賢不浪出。處士匪懷居。孔明是何人。高臥南陽廬。躬
耕良自苦。待時故躊躇。所爲梁父吟。豈比封禪書。

蠻觸襍奔競。蠅蚋紛爭喧。鸞鳳巢枳棘。鴟鴞集琅玕。風
雷久不作。野露生微寒。壯士萬里懷。肯謝漂母餐。古來
王佐材。多在耕釣間。

后地生虛雷。天驚漏秋雨。女媧死已久。此罅誰爲補。紛

仙上高

紛讀書兒碌碌無可數。古人今人心。今人不如古。
縹縹青瑣郎。翩翩綺衣媚。媚紅樓春昏昏。不知歸朝。
覩綠髮潤。暮驚白雲飛。只有陶隱居。頗頗知此機。
太行本無險。黃河諒非深。堂堂大丈夫。恥爲遊子吟。俯
仰宇宙間。寧無聖賢心。何當五絃奏。南風聽遺音。

孤梅詠

孤梅在空谷。蕭灑如幽人。不同桃李花。那知豔陽春。冰
霜歲年晚。苔蘚青滿身。鼎鼐既不辱。風味良自珍。孰信
姚黃枝。來作爨下薪。

琴鶴二詩送賈治安同知

猗猗綠綺琴中祕雲和音一彈動鳴玉再彈鏘南金
翩元鶴舞幽幽孤鳳吟嗟哉塵俗取折楊聽哇淫淳源
日凋靡誰識雅與南願更南風奏以慰斯民心

皎皎華表鶴古質清且閒曠哉萬里懷皓月同躡蹻饑
啄芝田春渴飲瑤池泉一鳴九臯遠夢繞瑤華寒下視
寰中人誰識橫江仙豈無王子喬相期青雲端

初夏閒興

支頤坐鴻濛隱隱窺太古我生尚無懷於焉事巢許兩
曜如過客萬彙如逆旅寒去暑復來誰賓復誰主齊物
不足論有酒且容與推窗看遊雲山花墮紅雨

墨萱圖

粲粲萱草花。羅生北堂下。南風吹其心。搖搖爲誰吐。慈
母倚門情。遊子行路苦。甘旨日以疎。音問日以阻。舉頭
望雲林。愧聽慈鳥語。
萱草生北堂。顏色鮮且好。對之有餘歡。背之那可道。人
子孝順心。豈在榮與槁。昨宵天雨霜。江空歲華老。遊子
未能歸。感慟心如擣。

離別吟

寒風颯大野。遊子行河梁。執手不忍棄。遲遲復遑遑。朋
友會面難。慷慨熱中腸。人生豈無家。結交在路傍。今晨

強綢繆明各天一左柑見苦不早離別徒悲傷

讀五柳先生傳

淵明千載士志節尚苦清奈爲五斗米受彼縣令名束帶見督郵頗亦用下情當時豈無議以後何足評苟非歸去來五柳傳不成

李侯事實諸儒先生序文詳矣然堯明之孝行吾黨又可知者因作詩二章其一悼李侯之未歸葬其一憫堯明之行也

李侯世名仕譽重才德優清白樹家政籍籍載歌謳夫何稅塵鞅幽幽滯南州遊魂未能歸永懷故園正孤雲

落田澹驚濤大江秋匪以見者悲抑爲聞者愁我亦陟
帖子忽覺涕淚流

李君蕭灑姿淪落在羈旅相見無長言潸然淚如雨一
身顧何爲七喪未能舉江山隔中州遙遙望鄉土豈以
途路難所值時節迤烏烏有私情而人復何處行行望
蒼天那知此情苦郭范久不作此義孰爲補

鸚鵡謠

鸚鵡謠者蓋卽事而立名也春秋書鸚鵡來巢
紀其異耳浙間有妖術者余姓爲全真居民多
受惑而館穀之其用術時人家女子婦人俱與

之通事暴受刑而去因作詩記之以備觀民風者察焉

鸛鶴入樹腹。睢鳩亂關關。妖氛扇幽邃。幻惑成至歡。漫
漫恣宵旰。終永期無患。淒雨苦何其。餘花慘無顏。風俗
陡衰毀。教化委荆菅。君子致遠慮。隱憂長愴歎。

獼猴舞

江南人教獼猴舞。齋郎街市小兒紛紛馳逐。故作詩戲之。

獼猴本獸屬。野性殊不常。俄然脫穢垢。冠蓋儒衣裳。歛
醜著面具。向人舞齋郎。跳跟媚小兒。時得梨棗嘗。假彼

草木味換此蟣虱腸終然非我類教養徒自傷不如奪
衣巾棄置山野傍

傷亭戶

清晨度東關薄暮曹娥宿草牀未成眠忽起西隣哭敲
門問野老謂是鹽亭族大兒去采薪投身歸虎腹小兒
出起土衝惡入鬼錄課額日以增官吏日以酷不爲公
所幹惟務私所欲田園供給盡齷數屢不足前夜總催
罵昨日場胥督今朝分運來鞭笞更殘毒竈下無尺草
甕中無粒粟旦夕不可度久世亦何福夜永聲語冷幽
咽向古木天明風啟門僵屍挂荒屋

有感

江南有古客。布衣狂而愚。區區訐何爲。竊比莘野夫。養
素體良貴。順適無覬覦。宵旰覲黎民。戢戢愁釜魚。去古
歲已邁。視今時已虛。豈無聖賢心。坐看爾輩痛。方來上
下交。一以利所趨。開心論道義。衆口旋胡盧。斷斷君子
行。蕩蕩成疎迂。尚志何栖栖。忍爲塵土汙。簞瓢陋巷中。
其樂頗自如。不慮貧賤苦。且喜父母俱。寒至十月交。雨
雪已載塗。念彼遠戍卒。羨此山澤癯。雖無五鼎味。那有
三族誅。吁嗟路傍人。何如賦歸歟。

懷友

登樓復登樓。古月缺復滿。美人天一。方眷眷衣帶。緩沈吟。向空窻。恨恨席不暖。跬步隔千里。夜冷愁夢短。卷紙難與伸。迴腸終欲斷。何當御飈輪。相從事蕭散。

自感

父母生我時。愛如掌上珠。襁褓辟寒暑。乳哺隨所須。周歲會言語。大小相引呼。搖頭却梨栗。行不須扶。三年離懷抱。已知親與疎。相揖識進退。應對無囉囁。五六漸精爽。氣貌與衆殊。怡怡浴仁化。喜聽論之乎。八齡入小學。一一隨範模。厭觀詭譎行。不讀非聖書。宗族驚我異。父母憫我孤。賓客皆回頭。指為汗血駒。長大懷剛腸。明

自感

學循良圖石畫決自必不以迂腐拘願秉忠義心致君
尚唐虞欲使天下民還淳洗囂虐聲詩勒金石以顯父
母譽此志竟蕭條衣冠混泥塗蹭蹬三十秋靡靡如蠹
魚歸耕無寸田歸牧無尺藪羈逆沔萍梗望雲空歎呼
世俗鄙我微故舊嗤我愚賴有父母慈倚門復倚閭我
心苦悽戚我情痛鬱紆山林競蛇虺道路喧豺獍荒林
落日陰羞見反哺鳥烏烏有如此吾生當何如

送李德仁歸濟南鄉試

岳前有古桂鱗甲森蒼蒼吹涼洗綠煙永延清夜光鄰
林旣已榮燕山亦已芳於今贈君去願挹秋天香

江上有古柳搖颺絲依依容光照青眼薄如紅樓眉玩
之益何喜攀之益何悲于今贈君去願染春風衣

畫猫圖

吾家老烏圓斑斑異今古抱負頗自奇不尚威與武坐
臥青氊傍優遊度寒暑豈無尺寸功衛我書籍圃去年
我移家流離不寧處孤懷聚幽鬱觀爾心加苦時序忽
代謝世事無足語花柳蜂如梟和田鼠如虎腥風正搖
撼利器安可舉形影自相弔卷舒忘爾汝尸素慎勿懶
策勳人或怨

穎語次楊廉夫進士古聲韻

老穎冰滿頭。不識宮妓口。窮年豈無爲。棄置如敝帚。玉
杯漸消磨。舍默甘老醜。余生重其功。悵然懷永久。昔在
三代前。勇銳破繩紐。叔世去籀法。十鼓迷八九。元風變
復變。款識歸瓦缶。春秋已獲麟。大義孰爲守。紛紛鷄雉
翰。崢嶸出其右。班生狂不事。張生顛欲走。空餘五色夢。
幻入歌奴手。世乏昌黎才。誰能傳其後。削職管城封。寂
寞山中冑。所以胥吏徒。刻覈嘲腐朽。

申屠子迪試吏爲山南江北道憲司掌書巡按至
夷陵缺文廟有曹操祠子迪毀之更立學宮諸
士大夫作詩文頌美之僕居草澤中獲觀其卷

因贅之

仁風藹區宇。聖道日月明。膏澤育萬彙。衣冠樂昇平。夷
陵雖云僻。豈無王化并。奈何洙泗流。不浹荆楚氓。蠱惑
祠奸操。聲教若掩扃。樊山老文學。執法開杳冥。蕩滌衆
陋習。魑魅不敢撓。巍巍魯靈光。中天麗晶熒。一變風俗
美。再變禮樂興。允矣千載下。勳業昭汗青。

鳳凰臺

生長當盛世。無家足遨遊。行登鳳凰臺。縱目萬景收。山
川尚形勝。故迹殊可求。環滁起西南。三峯翠相繆。落日
淡天闕。紅塵障層樓。盈盈佳麗地。每每風雨愁。我老無

所爲懷古心悠悠。俯仰四十帝。磅礴三百秋。於今竟何
如。草樹迷荒土。惟有大江水。不改今古流。徘徊發長謠。
感慨追前脩。謫仙旣已矣。少陵安可畱。粲粲石上詩。凜
凜霜氣浮。書生往來頻。抵用多唱酬。且沽數斗酒。醉倒
歸來休。

對菊

世路多詰屈。吾行已悠悠。陶公歸去來。此志良可求。開
懷對黃花。萬事一笑休。得酒謾斟酌。更爲斜陽畱。人生
適意耳。何用從遠遊。五湖有閒棹。三峽無安流。所以曠
達士。不爲貧賤憂。紛紛刀錐輩。瑣屑非我儔。

題凝雪水仙圖

出門大江橫。銀濤數千頃。仙子御輕飈。環珮搖虛影。中
宵月無光。天地冰壺淨。輕盈何所之。飛夢西湖冷。

襍詠

前日出東郭。寒凍未解圍。今朝開北牖。青草已滿池。飛
飛羣鳥歡。老木長嫩枝。馳書報幽人。難得此良時。休負
頭上巾。有酒且自持。
出門好山色。况值風日暄。依依楊柳莊。鬱鬱桑柘村。行
遊蹊路曲。如在故林園。白煙橫遠嶼。紅花燦晴原。人生
豈無情。欲語已忘言。

巢父誠辟世。許由真隱淪。勢利既已忘。天子不得臣。栖
身碧山中。洗耳清澗濱。悠悠太古懷。坐閱花鳥春。所以
後來者。可望不可親。

心遠軒

淵明賦歸去。寓意在田園。結廬禩人境。喜無車馬喧。秋
風菊采采。春風柳娟娟。人迹日已疎。世事日已遷。高臥
北牕下。夢寐羲皇前。蕭灑萬慮空。豈但琴無弦。上人絕
遐想。所適乃自然。端居中澹寂。不在地靜偏。緬懷千載
風。所以名吾軒。

耕讀軒

路逢誰家子。背手牽黃犢。犁鋤負在肩。牛角書一束。輟
耕且吟誦。息陰坐喬木。南山豆苗肥。東臯雨新足。涼氣
滿郊墟。書聲出茅屋。古來賢達人。起身自耕牧。買臣負
薪歌。倪寬帶經讀。寄語年少徒。行當踵前躅。

冀州道中

我行冀州路。默想古帝都。水土或匪昔。禹貢書亦殊。城
郭類村塢。雨雪苦載塗。叢薄聚凍禽。狐狸嘯枯株。寒雲
著我巾。寒風裂我襦。盱衡一吐氣。凍凌滿髭鬚。程程望
煙火。道傍少人居。小米無得買。濁醪無得沽。土房桑樹
根。彷彿似酒壚。徘徊問野老。可否借我厨。野老欣笑迎。

近前挽我裙。熱水溫我手。火坑暖我軀。叮嚀勿洗面。洗面破皮膚。我知老意仁。緩緩驅僕夫。切問老何族。云是奕世儒。自從大朝來。所習亮非初。民人籍征戍。悉爲弓矢徒。縱有好兒孫。無異犬與豬。至今成老翁。不識一字書。典故無所考。禮義何所拘。論及祖父時。痛入骨髓餘。我聞忽太息。執手空躊躇。躊躇向蒼天。何時更能甦。飲泣不忍言。拂袖西南隅。

歷棗強縣

我生值數奇。長年但奔走。風霜苦侵凌。焉得不白首。前日東阿城。齷齪混鷄狗。今朝棗強縣。蹉跎隨人後。淒涼

有誰知辛苦祇自受解凍燎枯蒿屏寒貰黃酒驅奴問
程途炊糧借刁斗休言美其味且自餬其口膩垢不能
去面貌殊覺厚登頓過村落不復論妍醜或遇短髮嫗
或見長眉叟指點向人言此地荒涼久東住河西使西
居太原守高樓對甲第過眼成林藪更有好墳墓亦復
爲田畝富貴生滅漚禍福翻覆手彼時與此時視吾何
所有我聽老叟言感慨欲吐嘔却羨陶淵明歸來種楊
柳

山中作寄城中諸友

山深無行踪蹊路土花長白雲忽飛來令人起遐想松

間微風奏石罅幽泉響坐久懷抱空悠然會清賞
在山雖無榮出山有何好清流混黃汗遠志成小草松
柏本貞固蒲柳易枯槁擾擾路傍兒知止不如鳥
白雲開林巒黑霧漫城郭出門道路違蠢蠢都不覺遊
蟻上枯槎歸鳥隱叢薄寄語遠行人莫待風雨惡

後裔佩蘭校刊

男用升校字

竹齋詩集卷之一終

山山亦何似
 物出泉巖坐
 人如跡空
 然會
 山山亦何似
 物出泉巖坐
 人如跡空
 然會
 山山亦何似
 物出泉巖坐
 人如跡空
 然會

諸暨圖書
 ZHUJI LIBRARY

竹齋詩集卷之二

諸暨王冕元章著

七言古詩

葛仙翁移家圖

青山無雲白日遲。仙翁移家何所之。或以丹砂到句漏。或爲家累遭驅馳。烏犍背上妻與兒。顧盼未解知其歸。仙翁讀書自怡怡。坐穩不覺路險巇。牛羊猫狗先後隨。老奴老婢但忘機。仙翁去就無不宜。豈以偷生辛苦辭。君不見風水洞前草離離。淡煙寒雨愁淒迷。又不見雲門長松啼子規。春風落花事已非。神仙有無吾未知。神

仙有無吾未知買酒且自持秦皇漢武徒爾爲

孫元實春遊圖

先生讀書不閉戶坐閱鴻濛窺太古衣冠蕭灑武前脩
禮樂從容出東魯文章光焰駕李杜李杜後來稱獨步
談辯風生四坐春胸中別有天台賦相逢抵掌不露機
却說少年騎馬時春光澹沲隨所之好山好水多賦詩
轉首東風吹馬耳猶記松陰調綠綺杖藜不憚步行遲
孰謂畫圖無乃是我生山野無所謀白日灌園夜飯牛
安得先生與之遊買酒共上黃鶴樓

四牧圖戴嵩畫

牧兒小職奚以爲。力畊得暇則放之。浴流臥陂隨所宜。
豈同人牧潛危機。重爵厚祿乃自欺。坐看敗肉加鞭笞。
何如牧兒心坦夷。出入自在無羈縻。高林雨晴白日遲。
平原春暖芳草肥。牧兒樂事從可知。釣魚吹笛心怡怡。
牛犢茁壯長厥肌。老我亦有豐年期。披圖載誦四牧詩。
龔黃召杜今是誰。

夏節士弓

夏石巖雲間人浪遊得教授北方在鄉邸伯太
師在相位鄰 受戮夏先生知其無罪而死屢
上言宰相宰相奏請於上昭雪鄰 罪復其舊

有夏不受官。鄰子年賜米幣若干。兼與扁舟一葉放遊湖海間。名飛雲軒。世稱節士。揭曼石作傳名賢多爲賦詩。

夏侯先生天下士。風流倜儻忠義俱。平生勳業能自知。腹內更有非常書。浪遊不廢燈火讀。騎馬兒郎空碌碌。王門講道三十年。坐使窮荒移國俗。浮雲蔽日客夢單。勇銳欲食奸臣肝。徑持白事上天子。不顧宰相與何官。沈寃昭雪清四海。舊時枝葉生光彩。至今長安諸小兒。拍手爲之歌慷慨。歸來弗受大官名。五湖一葉扁舟輕。丹青徒寫蘓子卿。黃花自友陶淵明。老我論交苦不早。

意氣相期且傾倒。讀公佳傳誦公詩。江南節士如公少。

送沙德潤鄆城長

昔公新著進士衫。道酣氣岸清且髯。政事堂堂史當載。
威儀肅肅民具瞻。光風回春藹芳草。剩水殘山振枯槁。
至今吾鄉諸父老。去思劇口談公好。當時進士幾百人。
奔趨袞袞登要津。時雍所漸聖澤厚。仕宦未有如公貧。
公之家世秉周禮。伯叔弟兄官濟濟。飲冰食蘗二十載。
濁涇終不汙清渭。而今四海樂太平。太平天子堯聰明。
臺閣諸老皆老成。豈不與公書大名。鄆城絃歌固非左。
達以長官無不可。故人天上待公來。繡衣白簡青驄馬。

曹雲西畫山水圖

前年嘗見雲西畫。今年始識雲西翁。文章驚世世所重。
筆力到老老更工。流水涓涓石鑿鑿。一嘯長林風雨作。
豈云筆底有江山。自是胸中蘊邱壑。昨日亭東白雲起。
悵望吳松滿江水。安得先生乘興來。寫我江南雪千里。

贈寫照陳肖堂

君不見。見鑑貌。但鑑影。寫貌難。寫心。霍光鄧禹在臺閣。嚴
陵魏野居山林。功名道德照千古。不待肖顏傳至今。固
知寫貌易。寫心難。狀之妍醜。筆可得。至理不在顏色間。
陳君筆力異衆史。相貌既同心亦似。昨日忘機入城市。

草衣著我丹青裏。氣爽神清。誰比擬。雪霽梅花映秋水。
黃童白叟指點看。此老不是儒生酸。陳君陳君容我閒。
莫教添上貂蟬冠。

水仙圖

寒風蕭蕭月入戶。渺渺雲飛水仙府。仙人一去不知所。
池館荒涼似無主。江城歲晚路途阻。邂逅相看顏色古。
環佩無聲翠裳舞。欲語不語情悽楚。十二樓前問鸚鵡。
滄海桑田暗塵土。王孫不歸望湘浦。芳草連天愁夜雨。
棠梨白練雀圖

芙蓉香冷簫聲杳。月澹煙清楚宮曉。仙禽不語雪衣輕。

竹齋詩集卷二
四
相逢却恨秋風早。土花翠淺霜露蒙。山梨小結丹砂紅。
玉人醉倒不知處。夢回故苑朝雲濃。

蘆花道人換被圖

高昌野人見幾早。髮鬢不待秋風老。脫身放浪煙水間。
富貴功名盡除掃。坐對漁翁交有道。青綾何似蘆花好。
從時拜賜蘆花人。自云不讓今古貧。高眠聽夢夢更真。
白月滿船雲滿身。起來拍手波粼粼。欸乃撼動人間春。

秋山圖

前年放船九江口。秋風獵獵吹蒲柳。買魚沽酒待月明。
不知江上青山走。三更吹笛欲喚人。溥溥白露侵衣巾。

故鄉遙遙書斷絕。空見過雁如飛雲。去年却下七里灘。
秋水滿江秋月寒。子陵先生釣魚處。荒臺直起青雲端。
先生不受漢廷官。自與山水相盤桓。至今高節敦廉頑。
清風凜凜誰能攀。泊舟登岸行復止。小逕分岐通草市。
石林掩映樹青紅。正與今年畫相似。茅廬半住林木裏。
白狗黃鷄小如蟻。翁媪無言童穉閒。可是太平風俗美。
清溪水落魚蟹新。東隣釀熟呼西隣。相牽相把意思真。
親密不異朱陳民。李端筆力乃巧妙。寫我舊日經行到。
豈是老夢眩水墨。不覺掀髯發長嘯。殷家大樓滄江頭。
畱我十日風雨秋。觸景感動客邸愁。便欲卜築山之幽。

斷橋流水無人處。添種梅花三百樹。直待雪晴冰滿路。騎驢相逐尋詩去。

送無咎遊金陵兼柬丁仲容隱君

長松撼空風怒號。門前大水摧斷橋。山中坐雨六十日。不知野草如人高。今晨出門天氣好。眨眼忽驚春事老。楊花散作雪滿溪。送客俄然動懷抱。金陵六朝古帝都。古時風景今何如。珊瑚無根土花碧。露團玉樹生流珠。江山無人隔塵土。丹鳳不來孤燕語。上人脫灑無滯留。底用登臨重懷古。世人往往乘險機。老我白髮無能爲。道甫問訊丁令威。有鳥有鳥何時歸。

松雪畫馬圖

玉堂學士金閨彥。磊落襟懷書萬卷。等閒貌出天馬駒。
鬃鬣蕭梢氣雄健。蹄如削玉耳削筒。日光炯炯磨青銅。
五花連錢雲影動。噴沫一嘯生長風。我昔曾上桑乾嶺。
帶甲騎來霜月冷。只今潦倒巖谷間。展卷令人動深省。

江山漁隱圖

隔江青山清欲流。江雲洗盡江風秋。幽人小艇江上遊。
碧波萬頃無白漚。我知幽人愛蕭灑。豈是機危鷗不下。
浩歌喚酒來船頭。笑殺桃源種桃者。

送暨陽同知

我生山野毛髮古。不是多時舊巢許。松根坐臥忘歲年。
足迹何曾入官府。雨晴忽覺草樹肥。春來春去都不知。
耕田鑿井亦足樂。短歌長嘯隨所之。溪谷無塵人事少。
縱有饑寒能自保。花村月夜犬不驚。可是太平風俗好。
昨日柳花如雪飛。今日作詩何所思。我詩似質朴君政。
從可推錦衣。翩翩馬如練。拜恩應到黃金殿。他年皂蓋
下蓬萊。更與君侯作佳傳。

錢塘紀行

廢苑荒蕪宮樹老。春雨濛濛長芳草。翠石玲瓏縮毒蛇。
土花亂貼榆錢小。憶昔建炎南渡時。五雲護擁蛟龍旂。

金輿玉輦事遊幸。名花不待東風吹。紫霞蒲萄動春浪。
腰鼓騰雷盤錦仗。千官景從軒冕入。歌聲婉轉青天上。
閭闔新啟銅龍樓。長江萬里爲鴻溝。中原北望草木秋。
王孫不識山河愁。垂衣東南成至治。百五十年真夢寐。
只今事業漫蒿萊。文物衣冠俱埽地。西湖水昏迷釣船。
南屏月冷啼杜鵑。咸平元祐事茫然。梅花楊柳俱忘言。
鄂州老將呼不起。石墪如壺枕江尾。行殿白日古燐飛。
遊子無言淚如水。

漆樹行

東園漆樹三丈長。綠葉華潤枝昂藏。蝨虫不食鳥不啄。

皮膚破碎成痍瘡。野人摩撫重歎息。受辱匪因臨道傷。
九天降氣疏澀液。大家小家來取將。陶盆紙籠攢得滿。
手中白刃磨秋霜。况兼時令值肅殺。苟無正性安敢當。
所願天下盡光澤。豈辭一身多損傷。君不見西郊樗櫟
百尺強。薜荔裹縛螻蟻房。此物安可升廟廊。

癸巳春二月下澣客有過余草堂出示李太守之
詩余奉而誦之已而問曰太守何如也客曰太
守公平正大和易近民而民歸之泄政未期月
上官委脩郡城帥吾民從之民之從有如子之
趨父事也迨今歷三時犯霜露與民同勞苦城

將完上官禮之鄉民德之歌頌之聲不絕矧有
古賢人之心誠吾民之父母也余聞客言喜而
歎曰何斯世而有斯人也耶且今之輔世長民
行古之道者鮮矣以古之道化今之人者爲尤
鮮吾太守有古人之心行古之道能化今之人
真可謂不世出之才矣余鄉民也聞太守之風
起敬起慕遂寫梅作歌以上雖不能紀功德之
萬一亦可以述鄉民頌公之政云耳歌曰

草堂昨夜春風起萬樹梅花月如水相過誰解論襟期
吾州太守山東李太守自是文章公文章政事皆從容

長身玉立冰雪胸。標致政與梅花同。梅花清苦良自守。
不逐尋常好花柳。廣平心事底須論。太守自是調羹手。
我知太守節義高。混同版築非徒勞。版築乃是宰相事。
濟川舟楫隨時操。他日功成賦歸去。溪山風月情如故。
安能載酒草堂來。歲寒同看梅花樹。梅花別有天真趣。

題申屠子迪篆刻卷

重刻繹山秦碑二石於紹興路學

我昔聞諸太古初。馮翊窅窅安可模。自從庖羲得龍馬。
奇偶變化滋圖書。結繩之政由此毀。科斗鳥迹紛紜起。
後來大小二篆生。周稱史籀秦誇李。只今相去幾百年。
字體散漫隨雲煙。岐陽石鼓土花蝕。繹山之碑野火然。

縱有秦銘刻岑石。冰消雪剝無蹤跡。書生好學何所窺。
每展史編空嘆息。樊山先生東魯儒。好古博雅耽成癡。
八分小篆純古法。鑿石置之東南隅。白光爭照耀。
滿城走看嗟神妙。向來傳寫何足珍。棗木空貽後人誦。
徐公手摹烽火塵。金陵近刻殊失真。那如此本意態淳。
丞相李斯下筆親。申屠墨莊有傳授。法度森嚴非苟苟。
豈惟後學得所師。萬世千秋垂不朽。

雪中次韻荅劉提舉

朔風撼天雲黓黓。雪花恰似楊花糝。憑高無以辨青紅。
四海九州同一覽。枯腸頗怪酒力薄。勁氣著人寒慘慘。

痿痺不覺手足僵。爭戰俄驚齒牙喊。上天下地無痕瑕。
萬路千岐迷坎飲。山林隨處見梅花。汀渚殊難認葭莢。
東郭先生氣宇清。南征老將顏色黥。蒙鞍誰剝猛虎皮。
摘珠競探驪龍頤。黃河鐵牛僵欲倒。取而啖之吾豈敢。
且將清夢託楮生。焉用栖身重毳毳。疎狂夜起不著巾。
短髮正如童子髡。開窻忽見四山人。月色爛森銀菡萏。
玉壺凍結花漏澀。戍鼓轉更聲統統。此時忽想枯蒼翁。
應是清冰生肺膽。與酣直上百尺樓。天上星辰必親擘。
平生自有澄清志。要使齊民無穢掩。削奸除暴盡忠義。
坐令豺鱷成蠶醢。夫何混雜草木中。冰團冱合銜悽慙。

不如賣却金豪曹。且置蒲萄千百坎。君歌我和縱高情。
痛婦華腴歸古淡。無知笑殺楚三閭。安用離騷寄悲感。

江南婦

江南婦何辛苦。田家澹泊時將雨。敝衣零落面如土。饑
彼南畝隨夫郎。夜間績麻不上牀。績麻成布抵官稅。力
田得米歸官倉。官輸未了憂心觸。門外又聞私債促。大
家揭帖播通衢。生穀十年還未足。長兒五歲方離手。小
女三周未能走。社長呼名散戶由。下季官鹽添兩口。舅
姑老病毛骨枯。忍饑忍寒蹲破廬。殘年無物做慈孝。對
面冷淚空流珠。燕趙女兒顏似玉。能撥琵琶調新曲。珠

翠滿頭金滿臂。日日春風嫌酒肉。五侯七貴爭取憐。一笑可得十萬錢。歸來重藉錦繡眠。羅幃暖擁沉麝煙。

送人上燕

燕山三月風和柔。海子酒船如畫樓。丈夫固有四方志。壯年須作京華遊。京華名花大似斗。看花小兒競奔走。蒲萄瀲灩金叵羅。羊尾駝峯膩人口。知君慷慨非膏粱。生銅臥匣韜光芒。出門一笑頗自許。光範不用投文章。玉露紅門天尺五。要爲蒼生說辛苦。得時便覓好官歸。行道當依聖明主。我將細釀松花春。明年此時當遲君。遲君不問宦途事。要知伊傅何其人。

陌上桑

陌上桑無人采。入夏綠陰深似海。行人來往得清涼。借
問蠶姑無個在。蠶姑不在在何處。聞說官司要官布。大
家小家都捉去。豈許蠶姑能獨住。日間績麻夜織機。養
蠶種田俱失時。田夫奔走受鞭笞。饑苦無以供支持。蠶
姑且將官布辦。桑老田荒空自歎。明朝相對淚滂沱。米
糧絲稅將奈何。

大醉歌

明月珠不可襦。連城壁不可鋪。世間所有皆虛無。百年
光景駒過隙。功名富貴將焉如。君不見北邙山石羊石

虎排無數。舊時多有帝王墳。今日纍纍蟄狐兔。殘碑斷
碣爲行路。又不見秦漢都。百二山河能險固。舊時官闕
亘雲霄。今日原田但禾黍。古恨新愁迷草樹。不如且買
蒲萄醅。攜壺挈榼閒往來。日日大醉春風臺。何用感慨
生悲哀。

江南民

江南民誠可憐。疫癘更兼烽火然。軍旅屯駐數百萬。米
粟斗值三十千。去年奔走不種田。今年選丁羌戍邊。老
羸饑餓轉溝壑。貧富徭役窮熬煎。豺狼左右虎後先。况
爾不肯行紙錢。紙錢不行生禍愆。官司立法各用權。生

民自此多迤邐。君不見海東風起浪拍天。海中十載無
漁船。又不見淮南格鬪血滿川。淮北萬里無人煙。通都
大邑盡變遷。新鬼舊鬼皆銜冤。今上聖明宰相賢。政如
日月開堯天。大布德澤清八埏。百辟忠義何以言。捐生
棄死非徒然。我在畎畝心拳拳。無能與爾扶顛連。老眼
迸淚如飛泉。

花驢兒

戊寅歲杭州有回回人牧花驢兒能解人意且
能省識回人語言人多觀之回人以此多獲利
焉

花驢兒渡江踏運江南土。正值江南無馬時。驢兒得志
雄威武。况是能解花門語。江南淫雨二百日。洪濤巨浪
掀天舞。麻麥爛死秧苗無。百姓吞聲苦饑苦。驢兒嚼粟
恬如故。江南子弟不曉事。擲金馳逐爭先覩。誇渠省得
人語言。縱使能言亦何補。花驢兒乃奇遇。昨朝方上評
事廳。今日又登丞相府。哮吼縱橫誰敢侮。老夫平生不
信怪。見此怪事欲嘔吐。歸來十日不食飯。扼腕攢眉淚
如雨。

過山家

松風吹涼日將晏。山家蒸梨作午飯。阿翁引孫牽犢歸。

破衣垂鶉不遮骭。勾鎌插腰背負薪。白頭半岸烏葛巾。
喜渠胸次無經綸。白日爛煮空山春。見我忘機笑古怪。
不學當時野樵拜。自言無處著隱居。僅得門前溪一派。
好山兩岸如芙蓉。溪水可濯亦可漁。白日力作夜讀書。
隣家鄙我迂而愚。破甑無粟妻子悶。更采黃精作朝頓。
近來草廬無臥龍。世上英雄君莫問。

宣和殿畫山水鸚鵡圖

玉宇瓊樓天窅窅。春融紫禁煙花繞。龍光搖動五色雲。
忽覺青蒲生野草。河圖埋沒龍馬藏。上林桑穀一夜長。
丹穴豈是無鳳凰。鸚鵡乃來天子堂。春秋筆削以爲異。

未必宣和知此意。長白山下風蕭蕭。吹徧沙塵塞天地。
宮中仙子羅衣垂。露傾金盞愁欲悲。綠煙不開花夢冷。
此時顏色非曩時。轉首桑田變滄海。景物淒涼畫圖在。
江南江北不相知。展卷令人空感慨。

喜雨歌爲宋太守賦

南州六月旱土赤。炎官火傘行虛空。田疇坼裂河海涸。
萬物如在紅爐中。桔臯不用計已枯。農民踏踏愁歲凶。
蓬萊太守民父母。下顧赤子心忡忡。罄竭忠誠扣天府。
話語真與天神通。須臾喚起龍井龍。大樹三日蘓罷癡。
百姓喚作太守雨。東臯西陌皆沖澍。禾苗陡覺充秀實。

野草亦解回顏容。吾儒能賦効東哲。喜見屋底山雲濃。
隣家父老走相報。門前大水如奔洪。妖氛積穢俱洗盡。
此是太守造化功。太守正與造化同。百姓拍手歌年豐。
歌年豐。太守德澤垂無窮。

送林叔大架閣上京

林君家世重詩禮。冠蓋東南官濟濟。三年參幕小蓬萊。
爛漫文章照山海。自公退食趣有餘。好古博雅耽文儒。
牙籤玉軸照窻几。名花翠竹羅庭除。開簾放春景物俱。
湖山四面如畫圖。掀髯長嘯塵事少。神仙官府真吾居。
轉首京華天尺五。暫離堂前彩衣舞。青驄馬嘯楊柳風。

黃河水落桃花雨。天上故人相笑迎。碧蒲萄酒滿盞傾。
忘形爾汝恣歡譁。連牀可話燈窻情。省臺求賢張治具。
知君快展青雲步。有懷若問草堂翁。門外梅花三百樹。

題墨梅送宋太守之山東運使

大唐丞相宋廣平。文章事業昭汗青。心腸耿耿磨鐵石。
賦梅賦得梅花情。嗟哉梅花太清苦。不與杏桃同媚嫵。
空山歲晚人迹稀。縱有清香爲誰吐。蓬萊太守丞相孫。
愛梅亦與梅爲隣。冰雪滿懷不染塵。坐令陰谷回陽春。
羅浮山遠雲水隔。瑪瑙坡前霜月白。南枝蕭灑北枝清。
野草閒花驚德色。蓬萊太守詩夢回。霜華點點飛瑤臺。

玉堂早報消息好。天子又喚調鹽梅。

有感

春風花開洛陽縣。此處與子初相見。亂離相去五十秋。
我鬢星星子皺面。莫言今日重淒涼。且說當年與華宴。
細腰皓齒供奉歡。金鼎玉盤羞美饌。尊前貴客覓大書。
左右從官催進絹。一時豪放無檢束。人立下風爭健美。
而今此興竟蕭條。但見長江淨如練。寒煙衰草蓬萊宮。
冷月淒風廣寒殿。喚鷹羌郎聲似雷。騎馬小兒眼如電。
總是無知癡騃子。也逞虛威撚弓箭。老儒有識何以爲。
空指雲山論文獻。君不聞一從趙高作丞相。吾道凋零

如襪線

題陳象賢竹素園

君家竹素園。異彼篔簹谷。插架牙籤三萬軸。卷藏東觀
誇天祿。清風明月時往來。紅塵不墮香芸堆。科斗鳥迹
一以開。懷幽抱密真奇哉。炙汗不流珠。重信知龍種
皆書種。黃鐘聲徹鳳凰嘯。玉杯光燄麒麟動。十年不下
君子堂。燈火夜靜聲琅琅。歲寒節操固自常。厭看花柳
爭春忙。金谷平泉暗煙雨。兔麥狐葵無定主。何如竹素
園。簡編且容與。玉振金聲千萬古。

寄太素高士

我昔扁舟上耶溪。尋君直過丹井西。長松月冷啼子規。
春風滿地芳草齊。樓殿玲瓏金碧涌。鐘聲不出松雲重。
老猿掬礪山影亂。翠禽啄露巖花動。此時相見不作難。
握手笑上松花壇。壇下十萬青琅玕。空陰漠漠常風寒。
我對青山論今古。青山茫茫無一語。知其與我忘爾汝。
石瓢酌我雲根乳。冷然使我肝膽清。飄裾欲度浮雲輕。
千峯回影陷落日。萬壑欲盡松風聲。回首溪山忽成別。
幾見江梅飛白雪。洞庭湖上聽夜雨。仲宣樓頭望明月。
熒熒對景傷古情。寸心欲吐書難憑。何當相晤一抵掌。
與君細看真蘭亭。

寄昱東明

浮青閣上山如簇。浮青閣下泉如玉。浮青主人瘦如竹。
襟懷卓犖無點俗。相逢一笑不話禪。自道住山三十年。
石杯酌茗搜我枯。石牀掃苔畱我眠。雲深不聽鷄戒曉。
山風落礫松聲小。歸來畊田忘歲時。池塘幾度生青草。
君虛一尺素。我乏雙鯉魚。共此片月光。各在天一隅。昨
夜扁舟欲飛去。雪雲凍隔耶溪路。千巖萬壑不可尋。夢
魂空繞長松樹。

悲苦行

悲風吹茅墮空屋。老烏號鳴屋上木。誰家男子從遠征。

父母妻孥相送哭。哭聲嗚咽已別離。道傍復對行人悲。
去者一心事歸者百感隨。前年鬻大女。去年賣小兒。皆
因官稅迫。非以饑所爲。布衣磨盡草衣折。一冬幸喜無
霜雪。今年老小不成羣。賦稅未知何所出。昨夜忽驚雷
破山。北來暴雨如飛湍。此時江南正六月。酸風入骨生
苦寒。東村西村無火色。癡雲著地如墨黑。賸翁瞽嫗相
喚忙。屋漏牀牀眠不得。開門不敢大聲語。門外磨牙多
猛虎。自來住此十世餘。古老未嘗罹此苦。我感此情重
歎吁。不覺淚下沾裳裾。安得壯士挽天河。一洗煩鬱清
九區。坐令爾輩皆安居。

猛虎行

去年江北多飛蠹。今年江南多猛虎。白日咆哮作隊行。
人家不敢開門戶。長林大谷風颼颼。四郊食盡畊田牛。
殘膏賸骨委邱壑。羶髓嘯雨無人收。老烏銜腸上枯樹。
仰天烏烏爲誰訴。逋逃茫茫不見歸。歸來又苦無家住。
老翁老婦相對哭。布被多年不成幅。天明起火無粒粟。
那更打門苛政酷。折脛敗肘無全民。我欲具陳難具陳。
縱使移家向廛市。破獍狻猊喧成羣。

勁草行

中原地古多勁草。節如箭竹花如稻。白露灑葉珠離離。

十月霜風吹不倒。萋萋不到王孫門。青青不蓋讒佞墳。
遊根直上土百尺。枯榮暗抱忠臣魂。我問忠臣爲何死。
元是漢家不降士。白骨沉埋戰血深。翠光激灑腥風起。
山南雨晴蝴蝶飛。山北雨冷麒麟悲。寸心搖搖爲誰道。
道傍可許愁人知。昨夜東風鳴羯鼓。髑髏起作搖頭舞。
寸田尺宅且勿論。金馬銅駝淚如雨。

贈蔣清隱

門外好山千萬重。翠濤百頃羅雲松。細泉幽咽雜花遠。
三逕脩竹來秋風。靈籟泠泠動清操。世外紅塵飛不到。
白月流光抱石臺。高人蕭爽長吟嘯。起居閒閒趣有餘。

看山看水還看書。木瓢滿酌示真率。不知軒冕爲何如。
太華終南青未了。北山移文爲誰道。君不見孤竹夷齊
久寂寥。首陽薇蕨今荒草。

送元本中北上

天台有奇觀。方廣石梁懸斷岸。青天倒瀉瀑布寒。五百
大士皆頑漢。道人一出初無心。手翻貝葉開珠林。十載
湖山玩清淡。白雲流水松風琴。金輪飛上鏡湖月。大禹
山前看禹穴。玉塵橫揮蒼藹香。石臺花雨如飛雪。千山
奇怪總筆底。妙語寫出山骨髓。菲泉一勺不足留。夢魂
飛渡魚龍海。皇州三月花柳輝。江南此時茶笋肥。君行

已隨心所向。不嫌杜宇啼春歸。玉堂故人知我有問訊。
向君應合手。爲言百事不能爲。舊日黑鬚今白首。

有感

江南古客無寸田。半尺破研輸租錢。好山好水難夤緣。
荃房日薄蒙荒煙。囊中科斗二百年。大經大法垂幽元。
他人不知我自憐。落花春暮啼杜鵑。杜鵑啼苦山竹裂。
錦官宮殿煙霏滅。人間百鳥無處栖。青蠅貝錦成行列。
北望茫茫莎草黃。葱河五月天雨霜。岐陽不見真鳳凰。
山鷄野鶩爭文章。江南古客苦無計。却向水中搴薜荔。
沙鷗夢老蘋雨殘。濕雲不動天如醉。回觀蓬萊十二樓。

我曾讀書樓上頭樓前平碧千頃秋白露暗洗芙蓉愁
歲寒歸來有誰在青松是兄梅是弟山中巢許不可尋
却對老嵇餐石髓

蝦蟆山

在海口石狀如蝦蟆前古傳言為大倉之耗令下鑿去石口其覺遂消

春風吹船著牛輓

牛輓潭在蝦蟆山下

扶藜直上山之春山上老

石怪且頑皮膚皴皸苔花碧我來不知石有名拊摩怪

狀心亦驚野人指點為我說此物迺是蝦蟆精古昔曾

偷太倉粟三百餘年耗中國天官燭其陰有毒勅丁破

口劓其足至今突兀畱山邱雨淋日炙無人收樹根穿

尻蛇入肚老鴉啄背狐糞頭牧童時時放野火耕夫怒

擊樵夫剝自從殘墮不能行見者唾之聞者罵蝦蟆
蟆非令僕無功那竊天之祿如今蝦蟆處處有天官何
不夷其族致令驕氣吹臊腥干霄上食天眼睛百虫嚼
盡心未已假作鼓吹怡人情三月江南春水漲紆青拖
紫爭跳浪漁父持竿不敢言獵夫布弩空惆悵黃童白
叟相引悲田中更有科斗兒

金陵行送余局官

李白題詩舊遊處桃花楊柳春無數六代衣冠委草萊
千官事業隨煙霧大江西下秦淮流石頭寂寞圍荒邱
原田每每盡禾黍青山不掩諸公羞高樓如天酒如海

觸景令人感慨紅墮香愁燕子飛風流王謝今安在
我欲去尋朱雀橋淡煙落日風蕭蕭交疏結綺杳無迹
但見野草生新苗小兒紛紛競豪縱區區割據成何用
芙蓉水冷燕脂消千古繁華同一夢傷今弔古如之何
頭上歲月空蹉跎君行喜有絲五紵宦情不似詩情多
江南故事可知否白雲翼翼變蒼狗休論平生錦機手
浩歌且醉金陵酒

天台行

東南海闊秋無煙天台山與天相連丹霞紫霧互吞吐
重岡複嶺青盤旋怪石長松磊磊兮落落神芝靈草綿

綿兮芊芊。金堂玉室。異人世。桃花流水春娟娟。送君此
去意何。古幅巾。颺颺衣翩翩。檄書初開。雲五色。不嫌坐
上寒無氈。我擬尋真拾瑤草。在家作想三十年。乘風幾
欲舞之去。水流花謝難。黃緣山空無塵。明月冷。時復夢
裏聞清猿。君今登登玉霄近。爲我問訊丹坵仙。丹坵仙
人如有在。我欲往受長生篇。爛煮白石松下眠。

索筍長句寄傅隱君

春風吹起石底雲。豐隆喚出蒼龍孫。古苔初破土膏滑。
露華淨洗龜筒痕。我愛先生如愛玉。冷笑人間飫膏肉。
我生無家懷此君。十年未解求一束。先生卜築江之干。

軒窗蕭灑鳴風湍。玉塵不揮秋颯颯。翠佩欲動聲珊珊。
高歌不覺凜毛髮。坐令異境生清寒。便欲契青奴謝彼
苜蓿盤。先生若肯慰我之大嚼。我亦爲之披腹呈琅玕。

望雨

狂風吹春無寸雨。天地漫漫盡黃土。病日韜光赤如血。
千花萬花愁不語。耕牛渴死野草枯。農夫悲啼淚如珠。
蠶胎在紙秧在穀。未知何以供官輸。道傍流民盡遊鬼。
十日不食一粒米。唇焦口燥聲啾啾。抱甕沿門求剩水。
孰云綺席羅奇珍。龍涎入鼎煙如雲。笙歌滿耳珠翠擁。
醉飽那識人間貧。人云江北豺虎毒。又見江南狼虎簇。

饑狐日食餓死屍老烏夜叫逃亡屋
我冠腐儒空讀書
騎馬小兒真苟圖安得銀河傾澤我
枯槁蘓坐令四海
常晏如

感竹吟

雲溪老竹持苦節玉質蕭森出巖穴
蒼筤古色誰爲摩
凜凜清風自然別勁直不肯降雪霜
蕭灑不肯栖鳳凰
願殺長身載經籍要爲吾道垂休光
誰信囂風變漓俗
紅紫紛紛亂人目遂令此君受羈束
荆棘凌夷刀鋸辱
青虫網葉蠹食筠野人更欲鋤其根
閉塞陽和紀土脉
絕之不許生兒孫東里先生有遺族
午夜聞之皆痛哭

擬以餘音問伯夷首陽煙雨莓苔綠嗚呼老竹老愈奇
歲寒心事無人知孤梅在溪松在壑焉能與爾論襟期
飄聲夜落山陰道筠笛多情愁欲倒固知遇合各有時
何必區區挂懷抱君不見窮陬荒草非所種開花猶解
供王貢那有此材無此用

結交行送武之文

江南野人毛髮古騎牛讀書無一侶白眼遙看泰華雲
赤脚冷濯滄浪雨長安小兒不足數論交忽有東平武
武君胸中氣崢嶸呼吸雲夢吞滄溟筆底春秋決王伯
坐探今古無餘情青春揚舲渡淮海江山秀色遙相待

雄文卷盡九江碧新詩寫出廬山黛西南五老青未了
倏忽騎雲過蓬島脫畧不作公子行隨我騎牛踏芳草
傍人怪我何醜老自覺無人可同調梅花明月柳花雲
獨對青山發長嘯武君過我笑我痴話言時復投其機
柴牀臥聽夜雨落草窻坐看秋螢飛淒涼飲盡客中味
君知我知誰復知今年丙子旱太苦江南萬里皆焦土
老羸餓死壯者逃碩鼠欺人暴如虎武君平生多抱負
對此如何可輕舉武君武君善調護慎勿輕身學巢許
秋風昨日吹大荒草木黃落雁南翔浩然歸興不可降
嚴君五馬一馬黃大兄亦授七品郎况是遷官歸故鄉

可知閭里生輝光我窮衣袖露兩肘回視囊中無一有
送君不勸陽關酒長歌但折江上柳丈夫有志當自持
不須重此生別離淚不爲此生別滋天南天北同襟期
明年平原芳草綠試弓好射銜花鹿有懷若問山陰竹
中天亦有南飛鵠

謝友惠溫生筆

春雲浮空山渺渺細雨飛花墮江草感時欲作寄遠書
凝思幾歎中書老東家小胥借已無西家但有長柄鉏
薛濤側理攤滿案無奈點作元雲圖昨夜燈花懸紫粟
知有春風到茅屋清晨開戶得故人惠我溫生雙落墨

赤鋒圓健光彩浮金花古箋封兩頭脫穎忽作霹靂響
龍跳虎躍山靈愁元夫碩人爭道好同工小兒驚絕倒
班洪不敢策奇勳扼腕凝神聽揮掃黑風颯颯鳴琳琅
野人辟易安敢藏爲君貢之白玉堂黼黻華袞開天章
大書大義扶王綱

謝曹隱君惠扇歌

去年僦居叢山脚草屋兩間如蝸殼六月七月無雨落
田野焦枯江海涸人間酷烈無處逃吾農忍氣嬰魚熬
編蒲緝羽不成扇尋松訪竹空勞切至今悒鬱未能雪
想到那時腸內熱先生何以知此情贈我齊紈比月明

番羅夾背紫竹把中有水墨圖畫橫崩灘亂石驚湍瀉
依約遠山天外青輪囷老柏飽雪霜更有石丈便脩篁
歲寒節操不可降未舉已覺生清涼山陰野人何磊落
笑引南薰歸掌握寒聲颯颯動巖壑不羨右軍題六角
轉手黃埃淨如掃便將獻君明大道置諸懷袖揚仁風
快與蒼生除熱惱

贈楊仲開畫圖引

楊君綽有隱者風鬚長骨瘦兩耳聾作詩作畫不作意
造化不與常人同前年眼健腕有力捉得老龍歸雪壁
墨雨淋漓天地黑茅山十日飛霹靂去年神固氣宇壯

長驅猛虎來堂上威雄哮吼萬夫慄滿屋生風洗蠻瘴
今年忽爾寫鴈魚氣韻又與曩日殊平湖大澤無界限
黃蘆白水秋煙孤魚遊不失倫雁來不失序飛鳴泳躍
千萬狀立意俱由是為主嗇夫一見大義明無聲詩是
無文經今人幾許浪得名豈研古人之畫情楊君楊君
一笑起無奈賤目而貴耳宋人固以燕石奇夫差酷愛
西施美燕支牡丹荔子圖豪家割舍千金沽雲林雪巘
盡埋沒王吳荆李爲何如安得我有絹萬丈聯成一片
青天障請君畫作風調雨順圖共樂太平歌擊壤

賈浪仙騎驢圖

雪花打帽風攪鬚寬衣破靴騎蹇驢先生自是山澤癯
瘦名之傳豈爲虛窮吟苦思不覺老知音幸遇韓京兆
至今長安諸小兒拍手猶能謂君道清聲千古在世間
好詩句句誇浪仙我恨後生五百年不得抵掌談微元
形骸孤陋向巖壑竹冠草衣空卓犖披圖挹之嗟寂寞
斷橋流水梅花落

柯博士畫竹

湖州老文久已矣近來墨竹誇二李紛紛後學爭奪真
畫竹豈能知竹意奎章學士丹邱生力能與文相抗衡
長縑大楮縱揮掃高堂六月驚秋聲人傳學士手有竹

我知學士琅玕腹去年長歌下溪谷見我忘形笑淇澳
我爲愛竹足不閒十年走遍江南山今日披圖看新畫
何當置我於其下竹冠草衣相對坐坐嘯清風過長夏

秋夜雨

秋夜雨秋夜雨馬悲草死桑乾路雁啼木落瀟湘浦聲
聲喚起故鄉情歷歷似與幽人語初來未信鬼啾唧坐
久忽覺神淒楚一時感慨壯心輕百斛蒲萄爲誰舉山
林豈無豪放士江湖亦有饑寒旅凝愁擁鼻不能眠孤
檠焰短寒花吐秋夜雨秋夜雨今來古往愁無數謫仙
倦休夜郎行杜陵苦爲茅屋賦只今村落屋已無豈但

屋漏無乾處凋餘老稚匍匐走哭聲不出淚如注誰人
知有此情苦秋夜雨秋夜雨赤縣神州皆斥鹵長蛇封
豕恣縱橫麟鳳龜龍失其所畊夫釣叟意何如夢入江
南毛髮豎余生聽慣本無事今乃云胡慘情緒排門四
望雲墨黑縱有空言亦何補秋夜雨秋夜雨何時住我
願埽開萬里雲日月光明天尺五

送章德遠校官自湘湖歸慈湖

我生不想圖凌煙草衣曲肱牛背眠早看紅日出海底
夜看素月懸中天陰陽推盪幾昏曉長嘯狂歌不知老
清泉白石自愉怡那信人間宦途好逍遙偶爾窳外觀

之子已在青雲端廣文坐上新彈冠蕭爽不作儒生酸
三年考績易官燭回首西風正黃菊白雲喜動故山秋
慈湖遙映湘湖綠君歸莫慮鐵研穿且力古道希聖賢
我歸不用君致言門前自有梅花田

送歐陽彥珍歸杭

金陵山勢如蟠龍金陵美酒玻璃紅對山酌酒却歌舞
坐笑前輩何英雄六朝遺蹤漫煙霧鳳凰臺上秋無數
斜陽巷陌燕子飛秦淮西下長江去人生此會不偶然
眼前興廢何須言丈夫事業要磊落比較瑣屑非高賢
我知歐陽乃奇士喬木故家良有以文章五彩珊瑚鉤

肺腑肝腸盡經史盛時仕宦三十年東吳西楚情翩翩
解衣推食待豪傑氣義渾厚無雕鐫明朝乘興過南省
鶴背秋聲破秋暝紫薇花對明月高呼吸湖光數千頃
書生蕭灑未有家擬欲結屋青山阿故人若有歲寒約
爲我載酒尋梅花

趙千里夜潮圖

去年夜渡西陵關待渡兀立江上灘灘頭潮來倒雪屋
海面月出行金盤冰花著人如撒霰過耳斜風快如箭
叫霜鴻雁零亂飛正似今年畫中見寒煙漠漠天冥冥
展玩陡覺心神清便欲吹簫騎大鯨去看海上三山青

明上人畫蘭圖

吳興二趙俱已矣雪窻因以專其美不須百畝樹芳菲
霜毫掃動光風起大花哆唇如笑人小花斂媚如羞春
翠影飄飄舞輕浪正色不染湘江塵湘江雨冷莫煙寂
欲問三閭杳無迹愴懔不忍讀離騷目極飛雲楚天碧

送汪用衡北上

去年送客西湖路芳草落花春已暮今年送客浦陽江
六月秋風吹柳樹年年送客爲賦詩賦詩每以功名期
玉堂金馬等閒去朱衣紫綬笑取之歸來高臥良自鄙
此語云云成戲耳相如不是輕薄兒馬周終非窮途士

古人窮達各有守今人嗚然何所有百寶妝腰逞豪俊
千金買馬誇疾走春風笑看陌上花夜月醉眠蛾眉家
平生事業止於此傷人爲爾何咨嗟汪君汪君拔其萃
讀書論道真我輩江山萬里在胸中洗却人間紈綺態
此行必奪錦袍歸腕頭更佩金纍纍若問今朝作詩者
竹冠草衣槃礴羸商歌飯牛松下坐

老柏圖爲張心田賦

高堂素壁無纖埃上有老柏參天來銅柯傍奮龍爪出
密葉暗擁元雲堆江干水落見白石小竹無聲弄秋碧
君不見劔峯低空絕行迹諸葛祠前二千尺霜皮溜雨

苔花蝕至今父老猶能識

雪麓魚舟圖

大山小山無寸青長江萬里如月明楚天不盡鳥飛絕
老樹欲動風無聲何人放舟順流下草衣箬笠俱蕭灑
篷底有兒能讀書不是尋常釣魚者元真子陶朱翁避
世逃名俱已矣後來空自談高風我視功名等塵垢何
似忘言付杯酒武陵豈必皆神仙桃花流水人間有

對月

巳卯八月十五夜天地萬里無雲煙明月忽自海底出
皎如玉鑑當空懸清輝激灑破幽冥山河倒浸無餘景

丹桂香消白兔愁玉宇瓊樓不禁冷南箕北斗潛光華
江漢無聲流素波老夫於此興不淺有月無酒將奈何
天上誰觀羽衣舞人間那得清虛府世情乖異每變更
月色何嘗有今古秋風飄飄度箜篌東家西家登大樓
相期翫賞醉終夕豈知別有窮途愁回首天涯故人少
白露淒淒下庭草欲持此意問嫦娥孤雁一聲關塞曉

芙蓉山雉圖

雲錦重重錦官宮錦官宮苑多芙蓉芙蓉花開仙子容
滿城歌管延秋風秋風吹涼渡江濟江上月明人笑語
舉頭無限是青山富貴繁華定何許風雲變滅事已非

西宮南苑殊曩時荒臺野草氣慘慘翠筠冷雨秋離離
日暮簫聲動霄漢山鷄起舞雲零亂孤懷回首不勝情
對酒令人發長歎

題溫日觀葡萄

日觀大士道眼空佯狂自喚溫相公浩然之氣塞天地
書法悟入葡萄宮有時潑墨動江浦叱喝怒罵生風雨
草聖絕倒張伯英春蚓秋蛇何足數龍鬚倒卷兒眼活
枯藤脫落無根株多年明月喚不下爛葉搭架秋糝糊
流沙渡頭聽駝鼓滄海桑田事非古大士於此不露機
示人落落離言語只今相去數十年看書看畫心茫然

安得美酒三百船與君大醉西湖天

息齋雙竹圖

李侯畫竹真是竹氣韻不下湖州牧墨波翻倒徂徠山
筆鋒移出篔簹谷千竿萬竿清影遠百丈十丈意自足
就中分取一兩枝別是山陰蕭灑族疎梢颯颯鳳尾顫
脩幹隱隱虬龍伏憑軒忽若秋風來坐使傷人脫塵俗
我生愛竹太僻酷十載狂歌問淇澳歸來不得翠琅玕
聽雨冷眠溪上綠而今已斷那時想見景何曾動心目
便欲爲君真致之相對空窻慰幽獨

題金禹瑞畫松圖

畢宏韋偃遠莫追畫松得名今是誰黃巖太守誇絕倒
休寧縣令爭新奇蒼髯鐵甲風雷動浮雲散盡青天空
只因曾看讀碑圖至今多作營邱夢錢塘有道金隱君
風流不讓今古人文章學古畫師古落筆正與營邱親
前年爲我畫松樹自然自有天真趣無人解識棟梁材
冷煙殘雨空山暮于今老矣老矣夫隔江不寄平安書
不得與之傾酒壺令人看畫長嗟呼

張御史西山雪堂

張君住近西山麓窻几虛明遠塵俗懸崖絕壁堆瓊瑤
疊嶂重巒隱青綠乾坤蕩蕩無痕瑕世上兒子何繁華

竹齋詩集卷二
清高或作袁老夢標致不取陶家茶升高望遠忘世慮
寫字讀書皆有趣歲寒若與我爲隣與爾種梅千百樹
坐令此處春無數

司馬氏藏唐子華山水畫扇

近來山水畫郭熙江南獨數休寧令筆法精奇意態古
咫尺萬里開天鏡巖頭老樹如老龍隔湖喜見山重重
小橋依約野色遠茅廬隱映林影空門前暑碓石頭路
荒蒼野草青無數往來不見車馬塵正似山翁舊居處
程伯林父司馬孫風流文彩垂清門平生愛畫入骨髓
尺素寸楮無不存我生所好亦殊絕一見此圖狂欲顛

安得爲招唐令來添我梅花千樹雪

題夏迪雙松圖

我昔曾上五老峯白雲盡處看青松中有兩樹如飛龍
正與夏迪畫者同夏迪畫松得松趣箇箇乃是廊廟具
貞固不特凌雪霜偃蹇猶能吐煙霧蒼髯獵獵如有聲
鐵甲半掩苔花青六月七月炎火生對此似覺形神清
丈人兀坐誠有道豈比商山采芝皓有琴有琴不須彈
而今世上知音少

題魏仲遠筠深軒

君家住處多幽趣繞屋琅玕淨無數蕭蕭清韻動天風

冉冉晴陰生綠霧湖山掩映蒼翠稠五月六月涼如秋
且開三逕待佳客底用千畝論封侯况爾此君高節古
縱有雪霜那可侮平生正直少人知野草閒花徒媚嫵
知君古意同古賢脫畧嘯傲情翩翩我生愛竹比君癖
櫛風沐雨三十年投老歸來舊溪曲竹色荒涼芳草綠
歲寒無以慰孤懷只有梅花在空谷聞君有竹心遑遑
便欲逕造君子堂安能爲我羅酒漿月明吹簫呼鳳凰

對景吟

濕雲不飛山雪滿越王城頭鼓聲短曉來溪上看梅花
兒迹新移大如椀老鳥縮項如凍鷺呼羣強作嬰兒啼

紅桃翠柳眼欲迷舊時紈袴今塗泥淮南千里無煙火
淮東近日多軍馬寸薪粒粟不論錢行客相看淚盈把
如何五陵年少郎賣田去買青樓娼吳歌楚舞不知夜
歸來也學山翁狂明朝酒醒入官府方知不是城南杜
落花風急雨瀟瀟索寞無言面如土

衛生畫山水

國朝畫手不可數神妙獨數高尚書尚書意匠悟二米
筆力固與常人殊林樹無根雲懵懂崑崙泰華雲中湧
山城野店不逢人碧波翠嶂淋漓運于今絕響二十年
尚書筆法誰能傳片藤尺素不易得使我感慨心茫然

吳興老趙薊邱李兩地清風俱委靡古人丹青亦消毀
後學紛紛無乃是衛生卓犖志有餘妙齡聲譽鳴江湖
泛觀今昔意未足直與造化論錙銖嗚呼安得有絹請
君畫與君坐石松間話愛看閒雲出山砦

五馬圖

太僕濟濟唐衣冠五馬不著黃金鞍飲流繫樹各有適
未許便作駑駘看鬢鬣蕭蕭綠茸噴沫長鳴山嶽動
世無伯樂肉眼痴那識渥洼千里種官家去年搜駿良
有馬盡拘歸監坊遂令天下氣凋喪驢騾駟爭騰驤
只今康衢無馬迹得見畫圖差可識畫圖畫圖奈爾何

撫几爲之三歎息

吹簫出峽圖

巖崖峭絕撐碧空倒挂老松如老龍奔流落峽噴白雪
石角險過百丈洪我昔放舟從此出牽柁失勢氣欲折
春風回首三十年至今認得山頭月草堂清晨看圖畫
畫裏之人閒似我波濤洶湧都不知橫簫自向船中坐
酒壺茶具船上頭江山滿眼隨處遊安得更喚元丹邱
相攜共上黃鶴樓

關河雪霽圖爲金陵王與道題

飛沙羃人風墮幘老夫倦作關河客歸來松下結草廬

臥聽寒流雪山白悠悠如此四十年世情脫畧忘間關
今晨見畫忽有省平地咫尺行山川鳥道連雲出天險
玉樹瓊林光閃閃陰崖絕壑望欲迷冰花歷亂風淒慘
枯槎側倒銀河開三巴春色隨人來漁翁舟子相笑語
不覺已過洪濤堆溪回浦激石齒齒溪上人家成草市
長林大谷猿鳥稀小步蹇驢如凍蟻西望太白日色寒
青天削出蛾眉山人生適意隨所寓底須歷涉窮躋攀
明朝覽鏡成白首春色又歸江上柳何如高堂挂此圖
浩歌且醉金陵酒

樊龍雀

野雀不向山林宿如何却傍人家屋山林怕遭羅網圍
人家又恐人驅逐飲啄時驚殊不足辛苦營巢隨養育
昨日雨狂風拔木人家屋倒巢亦覆雄悲雌泣無所施
墮地最苦黃口兒黃口雨濕不會飛啾啾草底啼渴飢
雄雌啄哺稍覺長無故又被樊籠羈雄雌劬劬繞籠飛
啄哺不異居巢時但恨不得身相依我感此情仔細推
人之與物初無違安得開籠縱之去山林朝市俱無疑

廬山行送行

廬山根盤幾百里屏風九疊開畫圖浮嵐吐秀挹南斗
黛色渺渺來青湖山西石門翠如刷山東石鏡大如月

三梁倒挂銀河流六月飛花灑寒雪春風錦繡花玲瓏
彩雲盤結摩尼宮涼回紫極竹聲遠紅塵不到金芙蓉
我昔曾穿謝公屐散策曾尋謝公迹微風弄影松檜鳴
微雨弄晴瑤草碧重巒疊嶂煙淒迷剝苔埽碧尋古題
興闌回首不知處落花流水孤猿啼君作廬山遊攬結
廬山秀拂拭雙瞳人細看蓮花漏轉首白雲如雪飛廬
山面目非當時歸來舊事不須問石田水暖菖蒲肥

孤松歎

孤松倚雲青亭亭故老謂是蒼龍精古苔無花護鐵甲
五月忽聽秋風聲幽人恐爾斧斤辱獨傷孤根結茅屋

月明喜看清影搖雪凍却愁梢尾秃昨夜飛霜下南海
山林草木無光彩起來摩挲屋上松顏色如常心不改
幽人盤桓重慨慷此物乃是真棟梁嗚呼既是真棟梁
天子何不用是扶明堂

痛哭行

雨淋日炙四海窮經綸可是真英雄岐豐禾黍泣寒露
咸陽草木來悲風京都大官飫酒肉村落飢民無粒粟
東魯儒生徒步歸南州野老吞聲哭紛紛紅紫已亂朱
古時妾婦今丈夫有耳何曾聽韶武有舌不喜論詩書
昨夜虛雷搥布鼓中天月破無人補休說城南有韋杜

白壁黃金天尺五

苦寒作

昨日風寒枯木折今日五更霜似雪
河伯泉仙驚怪言凍殺深潭三尺鱉
南海一平行大輿五尺之冰千古無
珊瑚樹死日色薄老翁破凍又僵魚
鳳凰不出鸚鵡語禿鶯飛啼血如雨
駝馬交馳入不毛堯鰲不憚飢寒苦
豺狼夾道狐兔驕白草萬里蠻煙焦
紛紛赤子在魚炙三士何緣爭二桃
君不見江南古客頗癡癩養得一雙
青白眼

送吳瑞卿歸武昌

古越古爲山水府篁竹菁菁無嘯聚耕田鑿井各有爲
文物衣冠比鄒魯元風已散茫茫然幾回滄海成桑田
眼前飛走雜梟獍草木憔悴愁無天君來推轂洗煩毒
畫簾不動風肅肅判花脫灑春悠揚一廉清透湖天綠
赤子欣欣行大道拍手爭歌君政好明月冷浸甘棠陰
光風碧長圓屏草三載攷績鷹脫鞴解鞶出買江上舟
黃童白叟不可畱山嵐慘澹江風愁十里長亭正花柳
綠波翻動蒲萄酒玉笙吹徹蓬萊雲西去青山如馬走
知君住處好神仙洞庭赤壁浮紫煙武昌樊口最幽絕
東坡曾爲畱五年君今歸去榮晝錦水色山光緣席枕

我亦欲寫巖壑圖挂君高堂對君飲

送黃叔濂之安肅州尹

江風飄飄楊柳青江煙漠漠花冥冥春光激濫動笙樂
潑醅弄影蒲萄傾客路迢迢平不頗應有兒童迎五馬
文章太守今幾人風流未有如君者中原地古風俗淳
君侯撫牧仁化新黃堂無訟白日靜甘棠有陰芳草春
君侯考載鬢未改虎竹銅符轉光彩功成早向江南來
江南有人遙相待

柯博士竹圖

先生原是丹丘仙迎風一笑春翩翩琅玕滿腹造化足

須臾筆底開渭川我家只在山陰曲脩竹森森照溪綠
只今榛莽暗荒煙夢想清風到茅屋今朝看畫心茫茫
坐久忽覺生清涼夜深明月入高堂吹簫喚來雙鳳凰

題畫蘭卷兼梅花

湘江雲盡湘山青秋蘭花開秋露零三閭已矣喚不起
荃蘅蕭艾春婷婷冷飈吹香散郊坰山蜂野蝶何營營
幽人脫畧境色外竟坐不讀離騷經西湖昨夜霜月明
梅花見我殊有情逋仙祠前塵土清老鶴不于如人行
天邊縹緲來鳳笙玉壺美酒顛倒傾酒闌興酣拔劔舞
忽覺海日東方生

喜雨歌贈姚鍊師

今年大旱值丙子赤土不止一萬里米珠薪桂水如汞
天下蒼生半遊鬼南山北山雲不生白田如紙無人耕
吾生正坐溝壑歎况有狼虎白日行大官小官人父母
殺犬屠牛事何苟南風日日吹太空旱魃徒窘城南婦
鍊師一出役萬靈綠章上扣天帝庭乞得秋陰三日雨
洗濯山澤回餘青老農額手喜復歎點點都是盤中飯
雨我公田及我私免得殘年坐塗炭老農所見愚又愚
拜師更乞天雨珠雨珠飲彼殘暴腹庶幾活我東南隅
我方熱惱岳壑底眨眼忽聽雷過耳起來發歌登大樓

長江大河都是水

白雲歌爲李子篔賦

我歌謫仙白雲歌清風飄飄吹女蘿女蘿風飛白雲出
秦山楚山爭峩峩秦楚之山青欲舞白雲不向湖山住
忘機在我讀書窻要養貞姿歸太素滿山紅紫光陸離
白雲施施自無爲奔騰洶湧作霖雨白雲悠悠若無侶
白雲在天不可呼白雲在地不可扶卷舒變滅了無意
粲粲不受纖塵汙我與白雲皆幻住白雲與我應同趣
孤飛感我庭闈情回首青山不知處我欲高飛洞庭船
賒月買酒邀謫仙爲君喚雪梅花天握手一笑三千年

竹齋言集卷二
三
劔歌行次韻

先輩匣中三尺水，斬蛟曾入吳潭裏。
提歸未肯策奇勳，軒冕泥塗真戲耳。
雞林削鐵不足比，昆吾百鍊安可齒。
淬花不瑩鷓鴣膏，掉箭却敲鸞鳳髓。
憶昔破敵如破竹，帶霜飛渡桑乾曲。
至今鏽澀混鉛刀，不遇何異荆山玉。
驚雷夜作青龍哭，血痕冷剝苔花綠。
野人一見駭心目，到手撫摩看不足。
雪花皎皎明闌干，毛髮凜凜肝膽寒。
燕山老將長慨歎，願欲置諸武庫間。
書生無用且挂壁，引杯時接殷勤歡。
天眼太高俗眼頑，銳鏗宜許兒曹看。
先生有志不在此，出處每談徐孺子。
清高厭覓萬戶侯。

笑引江山歸畫史我來四十鬢已斑學劍學書俱廢弛
五更聞雞狂欲起何事英雄心未已

船上歌

草木老子雙鬢皤拍手夜唱滄浪歌浮生不信巢穴好
賣屋買船船作家明月滿天天在水別調新歌水中起
蕭散可同甫里翁逃名不比鷗夷子大兒船頭學讀書
小兒船尾學釣魚病妻未脫鄉井夢夢中猶慮輸官租
前年揚帆箕子國矯首扶桑看日浴蓬萊可望不可到
海浪翻空倒銀屋去年鼓柁遊瀟湘湘南雲盡山蒼蒼
靈均死處今尚在使我弔問空悽愴今年來往太湖曲

竹齋言身卷之二
四
三萬頃波供濯足玉簫吹散魚龍腥七十二峯青入目
脫巾袒裸呼巨觥傷人睥睨笑我狂我狂忘勢亦忘利
坐視宇宙卑諸郎君不見江西年少習商賈能道國朝
蒙古語黃金散盡博大官騎馬歸來傲鄉土今日消磨
等塵霧又不見江南富戶多園田堆積米穀如邱山粉
白黛綠列閒屋競習奢侈俱凋殘今日子女悲飢寒嗚
呼噫嘻何如尚志富曷足求貴曷足恃秦時李斯丞相
位漢家韓信封侯貴堂堂勲業亘乾坤赤族須臾無噍
類何如老子船上閒朝看白水暮看山艱險機忘隨處
樂願盼老小皆團欒且願殘年飽喫飯眼底是非都莫

管興來移棹過前汀。滿船白雪蘆花暝。

吳姬曲六首

吳姬美。遠山淡淡橫秋水。玉纖軟轉綰青絲。金鳳攢花
搖翠尾。隔雲移步不動聲。騎馬郎君欲飛起。欲飛起。樓
上遊人鬧如市。

吳姬來。香風未動遊塵開。勾玉遲遲錦雲重。百花掩媚
春裴回。王孫公子金無限。爲君一笑成飛埃。成飛埃。珊
瑚頃刻生莓苔。

吳姬歌。歌聲未轉歡情多。飄然一曲入雲去。筵前誰敢
呼琵琶。珍羞如山酒如海。餘聲襲人無奈何。無奈何。門

外春風趁柳花

吳姬舞翠袖凌雲步輕舉笑回不覓錦纏頭四坐金錢
落如雨雲煙轉首無定期紫燕黃鸝對人語對人語明
年春風誰是主

吳姬醉對面接花作嬌態腰柔頸軟未成眠斜倚東風
說憔悴坐中狂客不勝情笑拍香肩呼小妹呼小妹明
日園林樹如蓋

吳姬歸湖風吹冷日色微滿船箏鼓不敢動隔林恐攬
殘花飛湧金門外馬如練銀鐙照水紅輝輝紅輝輝吳
姬上馬羅綺圍

村田樂題祭社圖

春風吹晴杏花雨東村西村鳴社鼓長旂翻翻導前路
樂舞于于成隊伍冠帶郎君顏貌古插竹簪花相媚嫵
可是平生慣塵土不學時人添面具鬢鬢童兒亦覩縷
騎牛老翁忘僂僂桑柘影斜山日暮醉飽歸來同笑語
田家之樂樂如許正是太平無事處孰知異世多官府
村落荒涼無此舉大家役役如征戍小家戚戚驅兒女
白日康莊行貌踰黔黎盡作逃亡戶雲林叢社能識取
撫綏寧信巔崖苦按圖闔景自悽楚誰是龔黃誰卓魯

紅梅翠竹山雉圖

遊絲冉冉遊雲暖翠石凝香土花短管絃不動白日遲
可是江南舊亭館湘簾隔竹翠雨濃玉姬醉染臙脂紅
文章羽毛亦自好轉首似覺懷春風去年我過長洲苑
落日淡煙芳草淺滄浪池畔野景生姑蘓臺上離情遠
今年買棹遊西湖西湖景物殊非初黃金白壁盡塵土
朱闌玉砌荒蕪蕪東園寂寞西園靜梧桐葉落銀牀冷
十二樓前蛛網懸見畫令人發深省

飯牛圖

君不見百里奚飯牛而牛肥胸中經緯無人知又不見
老甯戚時不來兮長歎息偶爾君臣稱際會伯道相高

非盛德何如牧兒原野間埋名隱姓閒盤桓清晨騎牛
唱歌出日暮騎牛唱歌還隨時力作了人事豈以世故
能相干也不知長安塵土暗天地也不知滄海風黑波
瀾翻三峽之險彼自險蜀道之難彼自難富貴無所惑
貧賤得自安但願歲年豐草滿牛可餐青山綠水足行
樂吟風笑月無機關不問世上騎馬官

盤車圖

憶昔嘗過居庸關關中流水聲潺潺雪花飛寒大如席
白色餐爛西南山山家野店隱煙霧水榭雲樓有幽趣
漢家封侯已消磨秦時長城作胡路天險不設南北通

風俗一混歸鴻濛今人不解古時事使我感慨心忡忡
灤水城頭無苜蓿馬驢盡食江南粟八月九月朔風高
更有飢鷹啄人肉太平時節無烽塵金輿玉輦從時巡
關南關北草色新四海貢賦來相親大車連屬小車侶
雪地冰天無險阻玉帛穀粟取不窮誅求那信人民苦
書生潦倒家無儲淒涼忽見盤車圖側身悵望長嗟呼
天子亦念東南隅

壽張堂河東張仲舉作記堂乃韓子中父封壽張
尹故名子中居曹州中陶一日其父見井泉流
北卽與諸子謀遷居云井水北流河必北行乃

去河六十里卜居高築其堂半年後河果北流
不遷者皆受害獨韓氏堂無恙是歲子中奉恩
封父因題之

廬陵曾記畫錦堂黼黻韓魏開忠良文章足以照千古
富貴豈止榮一鄉壽張新得河東記中陶乃是安陽裔
知幾不獨見井泉自是胸中有天地春風入簾春雨收
下堂不受黃河流綵衣諸郎舞新好奉恩歸拜髯參謀
衣冠文物能蕭灑不羨老裴居綠野山中自有宰相家
休問桃源種桃者

徙馬歎

君不見秦皇二世治天下趙高妄指鹿爲馬遂令衆口
毀權奇異獸須臾滿高價東亭牡騾十萬錢西城牝驢
數百千駟驢駃騠入奇選飛橦賈勇穹廬前三十六郡
五百萬一旦驚風墮塗炭天閒雲散雨聲寒峻骨纍纍
秋草爛毳衣胡兒牽狗車皮帽女郎隨橐駝將軍怒斬
白鼻騮丞相唾逐獅子花獨畱款段在君側錦韉金鞍
青玉勒噴臊撼動赤墀風太僕御官愁失色痛憐物產
不偶時龍媒滅沒其誰知况無古王同爾馳相逢徒作
窮途悲吾聞天馬出西極霜蹄蹴踏飛霹靂當年摧壁
不敢沽豈料于今供啗食庖羲已矣古道蕪何時重見

滎河圖孫陽已作飯牛客
非子去隨牧羝奴嗚呼不獨
馬之委天下奇材亦如是

盆中樹

橐駝已矣樹多病後植誰能論
官政盤根錯節入盆盂
豈伊所生之本性童童結蓋擁
綠雲皮膚轉卷生虫紋
幽人重之如重寶置之坐右同
佳賓時時賞玩勤拂拭
要做人前好顏色自憐無路接
春風慚愧荆榛得甘澤
人言爾樹受恩愛我獨悲之受
其害既無所資無所求
何故矯爲阿媚態嗟哉木命既
有虧其所玩者何爲奇
君不見石家珊瑚高且貴今日
根株在何地又不見李

家花木比異珍于今野草秋煙昏姚黃魏紫誇豔美看
到子孫能有幾人生所重重有德耳目之娛何足齒我
知萬物各有緣故不聽之於自然平原大谷土無限樗
櫟能與天齊年此樹邪宜此中種器小安能成大用願
君移向長林間他日將來作梁棟

幽蘭詠

光風吹香洗遊塵蘭花隱芳藉笑人翠霧沉沉玉環冷
忘言坐視空山春幾回清夢度荆楚欲問三閭杳無所
空將幽意寄離騷暮雲淒墮湘臯雨古懷蕭灑千餘年
忠義漫作虛語傳人間蜂蝶何翩翩撫卷對花空自憐

宣和殿畫驢圖

海波激撞日月動瑤樓玉宇紅雲擁忠良不顧社稷搖
聖明忘却山河重太平將軍倦戍邊春風四海且上元
宣和殿上如市厯黔驢直到君王前黔驢之技止于是
君王用意徒爲爾轉頭朔漠胡塵圍騾褭驪盡羞死
寒冰朔雪徒步趨當時客夢知何如二百年後看畫圖
令人感惻長嗟吁

過蘭亭有感

東晉風流安在哉煙嵐漠漠山崔嵬衰蘭無苗土花盛
長松落雪孤猿哀滿地紅陽似無主春風不獨黃鸝語

當時諸子已寂寥真本蘭亭在何許欹檐老樹緣女蘿
崩崖斷壁青相磨舊時觴詠行樂地今日魚鼓瞿曇家
荒林晝靜響啄木流水潺潺繞山曲遊人不來芳草多
習習餘風度空谷去年載酒誦古詩今年拄杖讀古碑
年年慷慨入清夢何事俯仰成傷悲故人不見天地老
千古溪山爲誰好空亭回首獨淒涼山月無痕脩竹小
有味有感吟

昨宵風雨多新愁亂無數洛陽城西富貴家舊時臺榭
今何處枯藤古樹栖老烏敗垣荒草藏狐兔好花不見
春風開落花盡逐春風去遊子意何如蕩子情何訴但

見金谷流映帶郵亭路三月四月杜宇啼往來客旅心
悽迷落日慘淡孤雲低不如買取酒數斗痛飲長歌高
拍手醉眠之後吾何有世事紛紛付芻狗

梅花

朔風吹破處士廬凍雲隔月天糝糊無名草木混色界
廣平心事今何如梅花荒涼似無主好春不到江南土
羅浮山下薜蘿煙瑪瑙坡前荆棘雨相逢可惜年少多
競賞桃李誇豪奢老夫欲語不忍語對梅獨坐長咨嗟
昨夜天寒孤月黑蘆花捲風吹不得鬪體夢老披蒙茸
黃河萬里無顏色老夫蕭灑歸岩阿自鋤白雲栽梅花

興酣拍手長嘯歌不問世上官如麻

疎枝錯落光燦爛正似推篷溪上看凍痕不剝五更霜
蘚色猶存百年榦孤山處士詩夢寒羅浮仙人酒興闌
天荒地老行路難誰傳春色來人間君不見江南物色
今非昔大谷長林盡荆棘歲寒何處論襟期坐對雲山
空歎息東樓女兒白苧歌西樓美酒喚杏花總有高人
愛高潔踏雪誰肯來山家老我無能慣清苦寫梅種梅
千萬樹霜清月白夜正長漏盡狂歌不歸去只今潦倒
霜鬢垂世情傾險俱忘機讀書寫字兩眼眵斷白搔墮
隨花飛回首江南隔塵土白月流光雙鶴舞一聲羌管

過南樓鐵石心腸亦淒楚安得喚起陳元龍長船滿載
玻瓈紅浩歌拍拍隨春風大醉驚倒江南翁

江南十月天雨霜人間草木不敢芳獨有溪頭老梅樹
面皮如鐵生光芒朔風吹寒珠蕾裂千花萬花開白雪
秀髯瑤臺羣玉妃夜深下踏羅浮月銀璫泠泠動清韻
海煙不隔羅浮信相逢共說歲寒盟笑我飄流霜滿鬢
君家白露秋滿缸放懷飲我千百觴興酣脫帽恣盤薄
拍手大叫梅花王五更窻前博山冷么鳳飛鳴酒初醒
起來笑揖石丈人門外白雲三萬頃

朔風吹寒脫叢木石溜潺潺出空谷荒村野店少人行

竹齋詩集卷二
獨有寒梅照寒淥玉質燦燦無纖埃春風不來花自開
平生清苦能自守焉肯改色趨尊罍我與梅花頗同調
相見相忘時索笑冰霜歲晚愈精神不比繁華易凋耗
長安多少騎馬郎尋芳競集桃李場東家買酒西家嘗
引得世間蜂蝶忙

昔年曾踏西湖路巢居閣上春無數雪晴月白最精神
瑪瑙坡前第三樹虬枝屈鐵交碧苔疎花暖迸珍珠胎
初疑羣仙下寥廓瓊瑤玉佩行瑤臺又疑幽人在空谷
滿面清霜鬢華綠迎風冷笑桃花紅紫紛紛太麤俗
今年來看秦淮水路隔西湖一千里草堂上是白雲窩

夜半松風喚予起青山隔世無遊塵雲根粉壁光如銀
長嘯一聲月入戶孤山處士來相親江南梅花自有主
休問當年何水部山僧對我默無語柏子無風墮青雨

題墨梅圖

朔風吹寒冰作壘梅花枝上春如海清香散作天下春
草木無名藉光彩長林大谷月色新枝南枝北清無塵
廣平心事誰與論徒以鐵石磨乾坤歲晚燕山雲渺渺
居庸古北無人到白草黃沙羊馬羣瓊樓玉殿煙花繞
凡桃俗李爭芬芳只有老梅心自常貞姿燦燦眩冰玉
正色凜凜欺風霜轉身西冷隔煙霧欲問逋仙杳無所

夜深湖上酒船歸長嘯一聲雙鶴舞

題月下梅花

平生愛梅頗成癖踏雪行穿一雙屐六花散漫飛滿空
千里萬里同一色衝寒不畏朔風吹乘興來此江之湄
繁花滿樹梅欲放彷彿羅浮曾見時南枝橫斜北枝好
北枝看過南枝老中有一枝致奇絕萬蘂千葩弄天巧
老夫見此喜欲顛載酒大酌梅花仙仙人怪我來何晚
一別已是三千年醉來仰面臥深雪夢扶飛瓊上天闕
酒醒起視夜何其飢烏啼殘半江月

題畫梅

君不見漢家功臣上麒麟氣貌豈是尋常人又不見唐
家諸將圖凌煙長劔大羽聯貂蟬龍章終匪塵俗狀虎
頭乃是封侯相我生山野無能爲學劔學書空放蕩老
來晦迹巖穴居夢寐未形安可模昨日冷飈動髭須拄
杖下山聞鷓鴣烏巾半岸衣露肘忘機忽落丹青手器
識可同莘野夫孤高差擬磻溪叟山翁野老爭道真松
篁節操梅精神吟風笑月意自在只欠鹿豕來相親江
北江南競傳寫祝君歎其才盡下我來對面不識我何
者是真何者假祝君放筆一大笑不須攬鏡亦自小相
攜且買數斗酒坐對青山恣傾倒明朝酒醒呼鶴歸白

雲滿地芝草肥玉簫吹來雨霏霏琪花亂颭春風衣祝
君許我老更奇我老自覺頭垂一作如絲時與不時何以
為時與不時何以為贈君白雪梅花枝

後裔佩蘭校刊

男用和校字

竹齋詩集卷之二終

諸暨圖書館
ZHUJI LIBRARY


富貴眼前空
死年也得石

年也得功名
身外物就

何所勿就
何所

為人能以
此體念
度身近

焉



竹齋集
詩
卷上

諸圖書
LIBRARY

金景注



富貴眼前老
年也得功
名身外物
就何所成就
何所
為人能
為此
體
會
度
年
近
焉

